


4.
I O A N N I S
R A M A T I O R D I N A -
R I I I V R I S P O N T I F I -
c i j p r o f e s s o r i s L u t e t i æ
d i s p u t a t i o d e V s u -
c a p i o n i b u s ,

I N
*Mart. Gilbertum Iuris utriusque
consultum.* —



P A R I S I I S ,
A p u d A n d r e a m W e c h e l u m .

1 5 5 9 .





• I O A N N E S
R A M A T V S I V R I S
C A N O N I C I P R O F E S S O R
ordinarius, M. Gilberto
Iuris vtriusque con-
sulto S.

• **D** E T V L I T *ad me hodie
libellum tuum, mi Gilberte,
quidam summæ spei adole-
scens, qui me iuris Casarei
elementorum magno auditorum concu-
rente numero in privatis ædibus nuper
interpretem quotidie, attentéque audie-
bat. Ille vscapionis definitionē mihi non
probabat, quam tu principio commemo-*

A ij

ras, permultaque patum homini, qui se
iuris utriusque consultum dicit, conue-
nire existimabat meam de ea re senten-
tiam postulans. Cui ego te in iure utro-
que non mediocriter versatum esse ex a-
nimo profitebar, de quo tecum olim ex
senatus præscripto publicè disceptauerā,
sed quanto magis id illi persuadere cona-
bar, tanto mihi magis reclamabat, unum
illud asserens te aut falsum scripsisse, aut
me olim perperam fuisse interpretatum
Iustiniani constitutionem de usucapio-
nibus, quod commentarij tui ab interpre-
tationibus meis omnino differant. Ego ut
causam meam agerem coactus pene pro-
misi me non mea tantum, sed ipsius gra-
tia defensurum, quæ aliquando explica-
bam, quò mihi postea facilius fidem ad-
hiberet. Itaque æqui si placet consules, si
hoc necessario agens tuæ aduerser senten-
tiæ

*tia: neque enim debes iniuriæ ullius inferendæ caussa id à me fieri, aut quò famam tuam vel tantillum suggillem, tibi persuadere. Memini me quondam Tra-
sibuli legem tibi in nostris disputationibus publicis retulisse, quæ iniuriæ obliuio Athenis vocabatur. Et iure nostro id receptum est, iniuriam nō esse, si quis repugnans alteri caussam suam tueri desideret. Dicam igitur in quo à te dissentio, idque non tam libenter quàm necessariò, expectans quid velis replicare, quod breui ut facias, quaeso. Sic definis vsucapionem: Vsucapio est acquirendi dominij iure Ciuili modus. At hæc definitio ex Modestini responso aperte reprehenditur, cū inquit, vsucapionem esse, non modum acquirendi, sed ipsam acquisitionem. l. iij. ff. de vsucap. nec videtur satis iure initiatus, qui non putat modum*

acquirendi ab ipsa acquisitione differre.
Quinimo *Emilius Ferretus* eo loco e-
leganter contra *Paulum Castren.* notat
Modestinum usucapionē definire, ut sit
acquisitio per continuationem possessio-
nis temporis lege definiti. Et in defini-
tionibus rerum solam referri substanti-
am, modumque ad eam non pertinere sa-
tis sciunt, qui rectè norunt ratiocinari.
Verba hac, iure Ciuili, *Priscianus* vix
probaret: latinè enim dici puto, iuris Ci-
uilis, non etiam iure Ciuili: nam, si tibi
assentimur, usucapio est acquirendi do-
minij modus iuris Ciuilis. Sed hoc leue
est, paruique facio ætatis nostræ homines,
qui *Calium* imitantes eloquentiæ studio
multo maiorem, quàm iuris scientiæ dāt
operam, autore est *Pomponius* in l. ii. ff.
de orig. iuris. Veruntamē eō sæculo nati
sumus, ideo temporī seruiendum, sermo-
nisque

nisque proprietas & eloquentia cum iuris cognitione iuncta res est præstantissima. Eadem pagina sic scribis: Dicta verò est usucapio, quod per usum aliquid capiat, & ab alio auferat, in quo vide obsecro, quàm longè aberres, dum scribis usucapionem capere: id planè falsum est: homo enim, qui rem alienam bona fide iustæ causæ diu possidet, capit, hoc est, acquirit, ipsaque usucapio non auferit ab alio, sed auferit qui usucapit, quem Modestinus refert sibi adiungere. l. iij. ff. de usucap. Conanum ætatis suæ iurisconsultorum non iurisprudentia tantum, sed eloquentia, dicendique lepore facile principem reprehendis citans Alciatum in l. quinque pedum Cod. de quinque pedum præscript. qui titulus in iure non extat. Te fortasse falsus aliquis interpretes fefellit, ex quo in Codice exta-

re titulum de præscriptione quinque pedum
forsitā intellexisti. In usucapione præter
possessionē, usum desiderari elegātū hoc
argumento doces. Cūm possessionis, in-
quis, continuatio requiratur, & possessio
naturaliter interrupta usucapionem dis-
soluat, satis apparet solius possessionis ra-
tionem non haberi, usumque maximē
desiderari. Argumentum hoc de usu con-
cludit nihil, neque sequitur, interrupta
possessione interruptitur usucapio, ergo
usu in usucapione est opus: cūm enim di-
cimus interruptam possessionem, signifi-
camus possessorem de possessione sua de-
iectum, non etiam de usu; permulti re-
rum possessores sunt, qui re non utuntur,
eāque uti non possunt, veluti is qui com-
modauit: ille quidem possidet. l. rei. ff.
commodat. alteri tamen rei usus compe-
tit, quo utente impedimento nihil est,
quomi-

quominus is qui commodauit vsucapiat.
Commodare est rem alteri vtendam da-
re. §. Item. Inst. quibus mod. re cōtrah.
obligat. quod ius vtendi tandiu durat,
quandiu patitur conuentio. l. in commo-
dato. §. sicut. ff. commodat. Sed inter-
dum duo hæc promiscuè vsurpantur: hac
ratione Conanus post Alciatum rectè
censuit vsum pro possessione à Modesti-
no appellari in d. l. iij. quasi velit eum,
qui longo tempore rem alienam habet e-
ius fieri dominum, non tamen negas quin
sufficiat eum, qui rem habet, posse re vtī;
sed vtī necessariò non oportere. Ego nul-
lo vsu opus esse ex Neratio optimè con-
iicio in l. ceptam. ff. de vsucapionib. v-
bi, si pater, cuius hæres esse possum, ince-
pit possidere, implebo vsucapionem ante
hæreditatem aditam, vtī tamen re ante
hæreditatem aditam non possum. Ecce

igitur, in usufructu usufructus non requiritur. Ius solum rem retinendi sufficit ad usufructuendum. Eodem capite Conanum refert dum Gellium reprehendit disputantem an usufructus dici possit sicut pignoris capio. Recte equidem Conanus sentit. Cui nihil aliud adiiciendum esse censeo, quod pignoris capio sit acquisitio rei pignoratæ, sicut mortis causa capio rei mortis causa donatæ, quod ad usufructum referri non potest: non enim usufructus est acquisitio usus, sed per usum acquisitio, quod homini paulo humaniori non est incognitum.

Secundo capite scribis usufructus verbum generale esse, comprehenditque sub se usufructum in specie, & prescriptionem auctore, inquis, Alciato in l. traditionibus Cod. de pact. & Cumanus tuo loco. Nos, ut scribis, usufructum à prescriptione differre

differre trifariam perpendemus. Primò
reſpectu habito ad res, de quibus utrâq;
prædicatur. Secūdo inſpecto tēpore, quod
in utraque exigitur. Tertiò ratione iuris,
quod ex utraque quaritur. Verba hæc
tua ſunt, quibus, aut fallor, docere con-
tendis uſucapionem ad res mobiles, ali-
am ad res ſoli pertinere. Item in uſuca-
pione trium annorum, in præſcriptione
longioris temporis ſpatium deſiderari: Po-
ſtremò eum, qui uſucapit ius maius ac-
quirere, quàm qui præſcribit. Omnia hæc
apertè falſa ſunt. Quod ad primum at-
tinet uſucapionem eſſe rerum mobilium,
præſcriptionem aliarum nullo latino au-
tore probare poſſes. Et quidem tantum
inter uſucapionem & præſcriptionem in-
tereſt, quantum inter acquisitionem lon-
go uſu factam, & exceptionem, quæ iure
datur illi qui uſucepit. Poſtquam uſuce-

pit possessor, si de re quam habet conue-
niatur, præscriptionem habet, hoc est,
actionem excipit, quæ exceptio ex usu-
capione nascitur. Eorum, qui latinè lo-
quuntur, nullus diceret, se rem ullam
præscripsisse, sed longo cepisse usu, ex quo
præscribit actori, id est, excipit: præscri-
bere enim non aliud significat in hac re,
quàm excipere, ut constat ex l. an viti-
um. §. i. l. creditor qui. ff. de diuer. &
tempor. præscrip. Marcellus in l. iij. ff.
de præuicatoribus si reus, inquit, accu-
satori publico iudicio ideo præscribat,
quod dicat se eodem crimine ab alio ac-
cusatum & absolutum. quo loco præscri-
bit accusatus, & excipit quod eiusdem
criminis aliquando postulatus esset, &
absolutus, neque hoc ampliori indiget
probatione, cum id verum esse tu ipse fa-
tearis, quæ res magnæ mihi est admira-
tioni

tioni quod qui veritatem nouit, ab ea
nullo autore probo recedat. Sed videa-
mus an rectè possit tua defendi senten-
tia, quam probari existimas l. 1. Cod. de
seruis fugitiuis. & l. iij. ff. de diuersis
& tempor. ex sensu, inquis, & intelle-
ctu Accursij, quod in utroque loco usu-
cipationis & præscriptionis verbum sit ad-
ditum, Accursij intellectum postea non
probas, quia illi aduersatur dictio, nec, ac
tandem verum legis sensum alio loco di-
cturum te polliceris, quo, quaeso, diligenti-
us inspicere, ne alia mihi amplius scriben-
di aliquid detur occasio, qua in alio uti-
liore, magisque sedulo negotio uti desi-
derarem. Quod ad rem hanc pertinet,
interea, dum tu legis illius intellectum co-
gitabis, dicam quod sentio. Imperator ait:
Seruum fugitiuum sui furtum facere,
& ideo non habere locum nec usufructum.

pionē, nec longi temporis præscrip-
tionē manifestū est. *Quæ verba si-*
gnificant eum, qui seruū fugitiuū posse-
dit, neque vsucepisse, neque si conuenia-
tur vlla exceptione defendi posse, cū
vsu non ceperit. Imperator in. §. ex his
itaque. Institut. per quas personas ait, per
seruū domino acquiri aut vsucapionem,
aut longi temporis præscriptionem, qui
locus te magis adiuvat, quàm ullus alius,
sed ille interpretationem hanc recipit. Si
quis rem alienam à non domino accipit,
is aut vsucapit, dum possidet, aut cū
diu possedit, si res ab eo vsucapta petat-
tur, præscribit auctori exceptionem vsu-
caponis obiiciens: possessionis enim effe-
ctus est, quod possessor legitimo tempore
dominium acquirat, eoque quæsito cui-
cumque agenti natam ex vsucapione ex-
ceptionem obiiciat. Alius est. §. diutina.
Institut.

Institut. de usucap. qui ferè usucapio-
nem à longi temporis præscriptione sepa-
rat, sed eodem sensu debet intelligi, ut
tempora continuentur in usucapionibus,
hoc est, usucapitur res qua de agitur, &
post impletam usucapionem præscriptio-
ni locus est. Sed hæc tu non citas, quæ, &
si tuam videantur sententiam probare,
non tamen verè probant usucapionem
differre à præscriptione ut existimas: id
enim perpetuò verum est ex usucapione
præscriptionem nasci. Quoties præscri-
ptionis simul & usucapionis Imperator
meminit, per usucapionem significat ip-
sum tempus, quo quis nondum usucepit:
cùm autem perfecta est usucapio, ei qui
usucepit præscriptio datur. nec mirum
videri tibi hoc debet: nam Paulus Ca-
stren. in l. j. ff. de pact. ait pactiorem
sape pactum ipsum significare, & inter-

dum pactio est id ipsum negotium, quod
quis cum altero paciscitur, postquam ve-
rò conuenit pactum Vlpianus vocat. Ad
idem redeo quod præscriptio non acqui-
sitionem, sed exceptionem ex usucapione
natam significat. Neque obstat l. ij.
Cod. in quibus causis, verba hæc sunt.
In seruorū proprietatis negotio, cū
usucapio locū habeat, ad quæstio-
nem longi tēporis præscriptionis
superfluo peruenitur: quæ verba pror-
sus à re nostra aliena sunt. Diocletianus
vult eum, qui usucepit seruū, usucapione
tutū esse, quod usucapio anno uno fieret,
neque debere longiori tēpore ad seruū
acquirendum uti, ut illi longi temporis
detur præscriptio seu exceptio, quæ ex
duobus annis nascebatur. §. j. Instit. de
usucapionib. Itaque frustra quis annos
duos se possedisse contendit, cui sufficit
vnius

unius anni possessio . Res enim mobiles
ante Diocletianum anno uno , ceteræ
duobus usucapiebatur . neq; ad rem per-
tinet Martiani responsum in l. rescriptis .
ff. de diuersis & tēpor. quod ineuitabile
vocas . Notat Martianus differentiam
inter res soli , & alias : ait res mobiles an-
ni unius , alias duorum spatium usucapi .
Ex eo non colliget aliquis , quin res omnes
usucapiantur . Illud solum interest , quod
ex usucapione rerum immobilium oria-
tur exceptio , quæ specialiter diutina pos-
sessionis præscriptio appellatur ab eodem ,
& Modestino in l. longæ . ff. de usu-
cap.

In eodem capite pag. 7 . numero . 3 .
existimas per longam possessionem signi-
ficari decem aut viginti annorum spati-
um , quod quàm longe absit à vero Iusti-
nianus ostendit in principio tituli de u-

usucapionib. cū inquit, ne domini maturius, & tam cito rebus suis defraudentur, se tempus prorogasse, nempe ut mobilia triēnio, cetera decēnio, uel uicennio acquirantur: Quæ uerba luce ipsa clariora sunt, ut uel lusciosus facile colligat ante Iustinianū decem uel uiginti annorum usucapionem in usu non fuisse. Neque sententiā tuam probas ulla lege, sola Hermogenis autoritate id cōfirmari credis, qui in fisci tantū questionibus uiginti annorum præscriptionem custodiri notat, extra causas igitur fisci incerta erant Digestorum iure tempora ad usucapiendum necessaria, non quidem re uera incerta: nam Paulus in l. iij. ff. de usucap. uideamus, inquit, quanto tempore res usucapiantur, quod uerisimile est eum dixisse, sed putat Euguinarius Baro à Triboniano non fuisse in Pandectas

dectas relata tempora. Est igitur *usucapio* rerum cūctarum acquisitio, quæ præscriptionem parit, eaque longi temporis appellatur, si res sit soli, & simpliciter præscriptio ex rei mobilis acquisitione nata exceptio.

Tertio tractatus tui capite scribis pinguius & potius ius, sic loqueris, quæri ex *usucapione*, quàm præscriptione. Id te scire velim ex præscriptione ius nullum omnino in re quæri, quod si mihi boni alicuius auctoris textum obieceris, cedam caussa. Putabam tibi ex nostris disputationibus persuasum esse præscriptionem ius esse ex *usucapione* natum, neque eum latine loqui, qui se aliquid præscripsisse diceret, significans se *usucepisse*. Scio te cum cæteris arbitrari rerum mobilium directum, quod, ut loquaris elegantius, plenum vocas, aliarum verò do-

minium utile longo usu acquiri. Paulus
in l. Sempronius. ff. de usu legat. proprie-
tatem vocat plenam & solidam, fun-
dúmque plenum. Et Fernandus ad. §.
nihil cōmune. existimat dominium nun-
quam plenum vocari: ego me legisse non
memini locum, quo dominium plenum
diceretur, diuersa proprietatis caussa est:
id tamen tibi do ac pratermitto: est e-
nim venia dignum. Vt probes ex usuca-
pione ius maius acquiri, citas l. j. l. iij. l.
eum qui ades. ff. de usucap. l. j. §. cum
pradium. ff. de pignorib. l. traditionibus.
Cod. de pact. §. j. Institut. de usucap.
quæ leges neque antiquorum neque tu-
am sententiam probant. Si mihi latino
autore probaueris tribus annis ius maius
quàm decem quari, tuæ accedam sen-
tentia, vel si ratione vlla ostenderis id
credere oportere. Sed tibi textus, ratio-
que

que deficit, ideo ius in re mobili quaesitum
ab eo ne discernito, quod in re immobili
usus dat possessori. Hinc fieri arbitror,
ut superuacua sit tua aliorumque disputa-
tio de actione, an ipso iure tollatur per
usucapionem, sicut per praescriptionem,
sic loqueris, nam ipso iure actionem tolli
est omnino tolli, ut constat ex. §. prae-
rea. Instit. de except. quo loco Impera-
tor vult actionem pacto conuento non
omnino tolli, quam Vlp. in l. si unus. §.
pactus. ff. de pact. notat non tolli ipso
iure. sic debet accipi eiusdem responsum
in l. si ita. ff. de leg. j. Iuliani quoque in
l. huiusmodi. §. legatum. Et l. si fun-
dū. ff. eod. tit. Duarenus aliter explicat
in d. §. pactus. ego id assero, verba haec,
ipso iure, significare aliquid fieri à lege
absque homine. §. sui. in ij. Instit. de hæ-
red. ab intestat. ubi filius minor est pa-

tris hæres ipso iure, hoc est, absque cura-
toris consensu. Sine igitur disputes an
per usucapionem tollatur omnino actio,
an lege, frustra à veteribus id fieri & à
te ex eo constat, quod qui usucepit, si
conueniatur exceptionem habet, ille verò
cuius res est usucapta, nullo iure agit,
cùm omne ius, quod in re usucapta ha-
bebat, longo usu sublatum sit. Quod si is
qui usucepit, casu rei possessionem amit-
tat, agit aduersus unumquemque posses-
sorem; nèque si quondam fuit domini-
nus, retinendi rem ius habet ullum, si im-
pleta sit usucapio: alia caussa est, si res
ad eum ante impletam usucapionem per-
uenerit: l. ult. ff. de publiciana in rem
act. Ex his apparet usucapionem tem-
pore aut effectu à præscriptione non dif-
ferre, ut existimas, nec præscriptionem
esse rerum immobilium acquisitionem:

qua

quæ omnia, si velis, legito mi Gilberte,
ut in alijs iuris præfationibus, quas pa-
ras, accuratiore lima tuo commodo uta-
ris. Ego, dum scribes Apologiam, quæ
scripsisti de fideiussoribus, & protesta-
tionibus legam diligenter. Lutetia die
decima septima Aprilis, quæ libellum tu-
um legi: Vale.

Erinud.



Handwritten text, likely a list or inventory, written in a cursive script. The text is heavily faded and illegible due to the age and condition of the document. It appears to be organized into several lines, possibly representing items and their quantities or descriptions.

Small handwritten note or signature, possibly indicating the date or the author of the document.

Small handwritten note or signature, possibly indicating the date or the author of the document.